

摘藻堂四庫全書薈要

集部

欽定四庫全書薈要

集部

景逸生集卷四



詳校官助教臣謝登雋

欽定四庫全書薈要卷一萬五千三百四十一

集部

景迂生集卷四

宋晁以道撰

古詩

對月偶成

元祐丁卯年二十四為兗州法掾考試歷城與劉跂斯立李深資道唱和

凡二十六首內
六首見律詩卷

我屋天之東月從海西來不解傳消息起舞興悠哉千
里玉繩斷萬頃金波開為我清皮骨憐我兀塵埃座有
玉山人映照共徘徊談笑喜復喜詎必蝦頭杯

還資道斯立詩卷

秋風吹一葉送我過東山
山高日出遲露重衣裳單
爰到濟南郡端士蒞與蘭
扁舟八月水唱酬清且閑
憐非郭李客便了取詩看
便了乃斯立童名復興蒞蘭語令人有愧
顏未見半豹書安敢道一斑
分在婢子科何以能追攀

和斯立見還詩卷

神仙劉子夏不愧許遠遊
今日秋風客襟度更為優
如何琅玕紙亦作李相投
釋之還在手愛涎隨不收
霜渚

正可恨鳬鵠遠嘯儔金篋識清揚玉塵見風流新知雖
云喜果作新故不相期不用名散盡人間憂

和資道讀王績傳

飛廉有醜馬卒歲得肥遊先生用自況散髮汾水頭時
時到醉鄉萬彙如蝸牛板築杜康廟配饗酒家流此意
誰能解空令兒女羞為問關夫子若何為獻酬

和資道讀賀知章傳

少陵愛賀公爽氣不可致寧向水底眠不作塵中士謫

僊見長安狂言隨意至換酒解金龜安知天王賜二子
少可人欣然得朋類我實異世客遺編勞補綴念昔遊
稽山頗愛石上字再拜式畫像物來見真意翰林有諸
孫能與我同契

馬上睡

前驛得駕馬據鞍可大隱青山隨我行夢寐亦清省此
樂世所無蝶化猶未甚須信忘機者在在得安穩

宿會真宮靈休廳

我雖養佛胎未必有仙骨如何羽衣人而亦容我宿岱
岳若宗社徂徠隱敵國沈沈兩山間真會駕白鶴仙子
嘯清風玉女佩金籙擾擾人間人悠悠欲五欲

送斯立入京

我見劉潁川昏困不暇寐忽遇便娟兒白日思寢被此
頭各未白相逢當有地詎惜草草別但嗟言負意是時
菊正花迸散青釭淚搖策如騎電到國何容易萊衣媚
家府芳罇延國士相知問阿儂為言只爾耳

贈別蓬萊簿林希孟子醇

吾友陳無已文會班生廬是時與林侯有若同隊魚相
見元無約相別詎有謨那知數歲後聚首如當初春言
二三子今來安穩無意氣充眉宇比昔姣且都乃見松
與栢不似柳與蒲憐我守枯禪談笑使甘腴何姬又為
別淚下青霜俱男兒志四海不辱黃金軀試看習主簿
窮悴能著書

擬古與韓某叙別

燕雀常相隨鴻鵠中路迷豈無岳與海不如瓜與葛食
梅令人酸食冰令人寒一聞布帛語結髮得儔侶黃蘗
染素絲苦浸為別離別離近不遠後會猶未期

資道俾予賦試劍山詩馬上承命作

青山羣若好此山何清特如見孫登輩高聳不可及山
神亦喜我輕風鳴馬勒馬上欲高哦才窘開口澀城墉
半夜深樓閣中天闢六曲屏風張五兩布帆屹蓮柄生
旱陸松角自空植偏將布斥堠中軍羅矛戟道冠不著

簪女鬟未勞，柳碧衣翼而趨。青童拱以立，風雨若可掬。
日月去無迹，出此摹寫語，敢謂得百一。亦欲縱筆書南山詩見嫉。

和資道故山驛早行

欲識混沌初，請君觀曉山。浩蕩有而無，雲烟往復還。流水意更新，四顧復聯拳。日馭慎莫出，我要當蕭閑。

和資道山路見菊禱言

桃李不如菊，露下花開意自足。菊亦謝桃李，妖艷艷芳。

能入俗把菊比君君更新愛菊肯教陶令獨君今
漸作富貴家平頭奴子紅腰束人誰敢號髯叅軍
見者面柔辭氣曲唯有禪翁向晚秋東籬細步想
風流

遊靈巖山寺

昔愛屏作山今愛山作屏還曲不可數兩目徒熒熒須
臾背負巖恍恍面對陁屯聚陣脚馬羅列仙女駢秀色
非有無聞氣自芳馨翠麓下靡靡危峯上亭亭借問深

幾何飛鳥中暫停衆異者明孔白晝觀辰星霜令殊未
酷黃蘗間青青連岫鎖寶符重辟藏修靈世俗那得見
見形不識形言念朗法師於此老禪扃應化今何到空
餘虎上經我如夢中遊夢夢入杳冥爾來塵滓醉不覺
一朝醒下山如夢斷獨疑在茅廳朝雲到人世飄飄細
雨零

和資道巖巖亭二首

我來遊此亭豈無高陽里形神既生生吉祥斯止止我

無古人愁古人無我喜頗恨桑苧翁不來嘗此水
昔年蜀武侯泣下蕩陰里何如無事人一亭欣所止悠
然太山岑相對真可喜不須樽中物且酌巖下水

奉高道中作

雲埋樹林遠雨添山色重我馬自知行秋風更相送悠
悠鄒魯間此意將誰共明朝是別離想此如殘夢

望山作

望山山在背不覺首屢回策馬欲倒行道路良艱哉白

雲尚相寄為帶山色來昨日登臨處今日誰徘徊安得
玉女水為我洗塵埃不解伴松老寧忍被鷗猜日與物
為溝此眼向誰開

晚日

晚日勸我行我欲留晚日長途行不近僕馬有倦色人
生為客多誰解老一室果有桃源人應遭渠笑叱

贈江子和兄弟

聞道去年大雨雪今年園林看花遲梅已寂寞桃淺深

膠序閑門那得知故人南來將二季屋裡衣香生春姿
黃蜂紫蝶自顛倒從容却話初別時二季未幾能許大
我曾諱老寧非癡酥酪醍醐俱可口何但療我渴與饑
本朝亦有江金紫誰道陳留人物衰

江淹為金紫光祿大夫今舍人亦贈

此官

有客從伯父大夫問說之者伯父報之曰吾姪
家中焚香讀楚辭耳因得詩一首拜呈

蘭菊不易糗孔鸞難與儀春事漫嬋媛焚香讀楚辭北

斗仰欲援南征俯自悲胡為不痛飲未肯歆其醕君之
門九重舉世莫余知世父誤見賞中情自有竒更願媒
芙蓉遠舉叅白螭

元符二年十一月十六日趙德麟檢校諸邑李
方叔自鄮來會中廬游靈溪寺觀飛泉窮水
所出涉龍潭遂至上洞尋火而入路窮乃回
歸息巖下巖洞泉洞前此未名嘗見襄沔記
郭璞游仙詩謂青溪道士鬼谷子所隱在義

清縣義清今其地也巖勢天巧如觀音大士
所居潭挹石而曲泉懸級掛空若衝牙玳瑁
垂而有聲遂名洞曰青溪巖曰補陀潭曰玉
玦泉曰珠珮說之寄題四絕句

不到青溪路人間千過春青溪人不老應憐郭景純

右青溪洞

補陀風月在處處得真居一六同妙湛三千皆宴如

右補陀巖

大夫既授玦捐之湘江中彼波到此潭寂寂睡蛟龍

右玉玦潭

佳人諒誠素鳴佩若可取王孫忘情事不學鄭交甫

右珠珮泉

客有傳黃戎州三絕句者因次韻

朝歎烏皮几暮歎木樨床勞我情不堪念君罪不涼
驢技已過日戎衣方駭心文章端自誤痛悔空在今
名大不忍殺罪大不可赦荔子紅滿山身落鄉人社

喜魯直還用前韻再作

梵志問故鄰
水蘭坐舊床
去恨已斷絕
歸意更淒涼
鷓鴣不入饌
松栢有常心
歸來應未老
但道古猶今
君有非常罪
幸此非常赦
投身黑水西
重入白蓮社

又再作

多情楊畔兒
芙蓉生繞床
舊屋君未歸
蒲池已淒涼
世人不我與
自契黃龍心
竟復何遠近
一瞬萬古今
負罪臣宗元
移書數問赦
僅如鴈往來
羨君還里社

君莫惡行

四月十四日禱雨紫
山回聞韓相公拜

寂寂山城已過春黃鸝紫椹意相親天公奈何不肯雨
小麥含秀安得吐聞得天公大仁聖風伯何能回雨
令恐是風伯老兒克長途未許騁羣龍前年流旱有
餘觔誰言今朝尚憂此內降白麻出上閣新相為霖君
莫惡

縣樓對山作

山色日夕改我樂豈獨今相羊非一意開簾枕瑤琴楞

伽懶焚香離騷辛可吟吏隱兩已適虎鼠都不任詩酒
客亦惡樓下那足尋可憐謝玄暉惆恍論此心

趨府馬上悠然思陳無已三兄成詩寄之

瓦釜毀未棄黃鐘幸且存於焉正律呂誰為到崑崙相
思出苦淚東漢太丘孫聞之在徐州無衣卧柴門亦賦
乞食詩饑瘡故拙言靖節非此夫如似校靜喧頗領不
悲傷自知美蘭蓀龍伸能蛇屈土不蝕璵璠魴鱖書懶
寄天公賤可論名不泯常筭欲報天地恩明光出須臾

一破萬古昏蒼生訖康濟坐覺君子尊
淨盡城上烏變化北溟鯤豈但喜囚冠
故亦慰累魂我既美子志為子盡嬋媛
吾曹寧餓死未肯傍祭墻孔明與荀賈
豈不共中原崎嶇入巴蜀雅志正本根
柳子一失此羅池為鬼冤問訊寄此辭
飽腹何時捫

欲自邯鄲趨府復從中山行覺風異常
馬上作山行豈不惡清音興自長風從
巖嶰來不比人間涼浮涼誇湛露屈子
自慘傷披襟青蘋末玉也媚君王驩見

西王母笑酌白玉漿當今第幾人此樂可共當車馬邯鄲道側身一相望為謝南亭女世方一作萬里賤鉉黃

秋來庭下襍花盛開對之感懷作

春花擢翠榦秋花披芳叢叢花都且閒天質不為容寧謝兒女賞本自能淒風倚之奉君子令德晚更崇

秋來

秋來頗自適撫此清收時不暇絕交論聊吟招隱詩山阿新橡栗朝廷舊皋夔早晚罷給散恩偕雨露垂

十月十三日自郡歸山中寄周秀實昆仲

陰靈識陽月怪樹知窮谷路轉山迎人崢嶸失南北回
省人間士總總今何役嗟予此行李志尚亦云獨世事
兼漳滏溫涼俱所欲耿介是小人大匠死繩墨伯仁莫
妄評阿奴不碌碌

忽蒙秀實內黃賢尉寄書期許稠至有經世之

語輒代書為謝

此君主
張隨州

歲晏慕羣侶魚鳥各知息故人音書來憐我此時憶忠

言開靡靡豈但問寢食我自山耕願久矣君已得中道
忽獻書明時思自立一官雖漫與頗知民苦疾豺狼不
當路雨露發天秩植杖聽班詔去暴看甲乙閭閻心欲
速廊廟慮非棘恨不死渚淵嘆嗟起安石固云小人鄙
未易君子識悠悠定誰堪世事兒女劇君才雄且銳欲
振排雲翮但恨張公子蹶蹶難與適功名良可圖燕然
銘謾勒

趙德麟書來言黃九聞移命後徑遊峨嵋慨然

一作
感懷有作

塞產久無賴相羊忽有期野馬脫羈日逐客賜環時鄉
國眼中見申肘猶云遲夫子獨不爾西復到峩眉初非
身世謀無淚竹枝辭豈是軒冕人要路莫相疑歸來舊
臺閣風霜嘗路岐曰予有末契斯焉定何之興懷白象
士復自話別離萬行端難渝短軸賞新詩
魯直久許以
短軸寫生平
得意詩
見贈

無已初除正字以詩寄之

平生阮步兵口不道臧否每笑謝著作自是雌黃口閉
門秋草多金風搖白晝忽傳黃紙書校藝羣公後執鴈
有楚越佩劍無左右漫畫渾沌眉遽識齊宿瘤彭城陳
夫子笑我顏何厚為語陳夫子人生無不有

寄陳叔易

春色今似我已老不足愛花隨浮雲空只有蜂蝶在問
春歸處無踵跡腸斷江南與江北青春不似青山常有
情處處相逢好顏色山中故人頭亦白何敢勞渠坐相

憶願得春風一夜萬丈高乘之歸去舊巖谷

答趙德麟見招之作

王孫囚冠安穩無骨清肉健今更癯學似東山何所癖
才如北海莫言踈幾年漢上狂歌散今日山前幽夢餘
消息遠來知有意碧巖却要子來居

和十二弟見降羌過洛

百代興亡吐谷渾聖主神謨不世恩解縛再生有孫子
無勞倚笑上東門

君莫惡行

五月十四日
聞右相出作

今年蠶母連萬箔屋邊桑葉渾不著彷徨何計救戢戢
出棄陌頭空涕泣前日初眠不敢語今日賤之如糞土
不容身老吐一縷回首室中殊樂苦何敢怨天不我與
亦太無情彼蠶母芙蓉錦帳醉新粧那知有恨如許長
相公日戀北門樂迎候馬前君莫惡

夜行自戲六五言

觸熱襦襖幾許我生何艱哉九天星斗初轉汲井意徘徊

徊不解鳴珂帝所踉蹌沒塵埃為問晚嫁盧姬一笑為誰開

題邵武軍泰寧縣葉恪循道清風樓

葉公賢父子清風何奕奕愛彼清風好危樓高百尺來從玉宇遠照衣光可擲桂葉尚飄飄蕙草不襲襲平生路豁開脫然凌羽翼對飲伴明月故人念疇昔詠歌何穆如援琴更幽寂慈烏遶難老雪溪非其匹華陽三層上松韻亦蕭瑟

始到無極作

徂歲若飛羽去矣不可招諒積寒暑多我髮覺脩脩是
身一枯木引憂自焚燒河山再遊宦鄉國夢魂勞友朋
不敢思得意在本朝弟妹天一方披衣泣中宵介拙取
如此罪悔肯相饒眷言此邦人不與我逍遙五日無羊
俎十日無魚庖賴我蔬菜慣妻兒嗔呶呶亦有寢食地
肘申瓦歎揺政自不容膝如彼風後巢當此仲夏時何
以謝炎歊前聞嚴君平氣和生涼颼但恐此語欺古道

久可嘲平生鄙潘岳懷縣復鬱陶靖節真吾師一去何
超超終期不自隨賦詩畔牢騷

送杜通直乞罷無極而歸

祁公之
族孫

青堂帳下白題歌王師城外橫天戈白首國母契丹女
泣問王師來謂何將軍突騎擅府庫羌兒逃死獨峯馳
軍中即日拜太守兜鍪未脫羣冠峨杜侯別乘不顧行
自言壯志今消磨顧豈不知金幣饒家有清風誓不頗
歸來南北信所之無極陋壤留則難却卷前志隨征雁

回首三吳風景和憐君骨法可學道此生肯與樹婆娑
嗟予投帻亦不晚君好訪我嵩山阿

趙君年十六作雨詩極奇驗可畏說之輒次韻
和之

天地綿綿寄一水上有浮羽下累塊時時出溢不自持
或濛或靈初有底人間妄見得雨名穴居那解知其際
既久天地如卵殼漏下涌上潛相繼日難月蟾喜瀦汚
力斂光明慳不費茲復何時霖未休萬年高木同茅刈

朽屋敝危嗟莫支好逐苴浮連一穗何處紅藥媚芳妍
但見土花爭點翠被濕出門意慄慄刺舟庭下却車騎
茫然誰與散此愁文定諸孫森葆翳青青稚齒口鼻哽
滂沱苦語天工棄趙生十四識嵇康諒知前言非我戲
黃河多淘河之屬有曰漫畫者常以管畫水求

魚有曰信天緣者常開口待魚感之賦三首

淘河復淘河后土激浪沙分波大石羽轉雜龍鼉汝欲
澄清力幾多官家費盡水衡錢萬夫政待汝漪連天上

有河鵲以填可增汝漫髡其顛虛名覈何嘗休譏汝在
梁

右淘河

漫畫復漫畫河尾沙軟喙一尺天生剛喙不解禿倦魚
薄淺幸有得謀拙力百費何處有金翅飢腸倚暮烟慚
愧信天緣

右漫畫

信天緣何為者非遠亦非賢終朝閒味不敢仰待魚落

味急下咽大魚變化小魚黠誰肯効命于爾前皇天日
月高無心憐爾曹幾欲強求索豈不鑒漫畫

右信天緣

比日風雨甚異山下人云此六月龍會時也中
項有會龍洞予嘗遊焉賦詩記其事今感之
有作寄趙德麟

西峯掩日東峯明倏忽起滅令人驚九野雨足龍上征
六月正乃會璿玗雷電斷絕風來輕鼓倡鼙和終簫笙

虹電舒旆雲搖旌萬龍夭矯宿崢嶸天門大開仙子迎
不比它邦時雨行中天有洞遺珠纓我昔酌泉探幽清
尚疑不然今信誠安得問訊叅騎驄脫去禁令朝玉京
相羊容與俯四瀛下呼我友何營營寒饑暑渴亦已更
胡不同我此長生

和澗上丈人石淙作依元韻

岷江將入海金山中斥攬近樵得鴈蕩平地風落落寧
兒一稱絕如夢理舜樂那知嵩石淙視彼削則削兩處

闕懷俊一日得磅礴水從高陰來到此幾谿壑勢盡劃

縱橫天地自開鑿腹背涵叢峯星斗俱漠漠波搖下嶽
峯雲度上岵岵為山無麓趾突兀便可樂北首揖三頂
鴈行共遼冥睥睨萬培塿飄然風中籜莫言聚石耳乍
如五陰剝試觀烟霞生如蓮敷青蘗非山亦非石水亦
非激躍癡龍有路寢醉蜃不收閣因得為人戲平何處
顏色作或疑上帝宮盆山映叢薄盲風吹下將塵世覿
斟酌又疑涿野戰行陣龍虎作過怒禁不散結此空黝

聖寧論八陣圖水來俄而却惜哉遊者稀元老情不惡
偶得雙頭蓮花戲作

君不見昭儀飛燕姊妹在漢宮同妍共麗媚赤鳳赤
鳳一日與俱逝長空又不見大舅小舅兄弟專晉亦何
有兄招千里兵弟殞一杯酒嗟爾芙蓉芬芳姿出水無
染稱瓊奇亭亭各映清漣漪高下淺深何不宜嘗遊鏡
湖五月時目極萬疊青羅衣一花獨出擅朝暉譬如神
情散朗王夫人不爭鉉黃桃李春又如君子立朝廷朋

而不倚自修正何乃反常為異失故態比之人事那足
愛只恐橫塘知我有恨處故教絕艷相並語莫言才氣
世無雙並蒂何如此堪取不然戲我坎壈此世每不偶
逢人好強開笑口

正月六日七日書所見

扶光歲首當何辰薦視變異紛無垠既驚馬日不為馬
況復人日不成人咸疑白晝縣月魄譁言日月相鬪格
如負如空天風愁似食不食自毒螫空裏黃埃下百重

日心黑氣交四磔不知何地歲陽烏人間百鳥競號呼
可憐海氣使如此杏梁瑞彩想中都

送許同年赴江寧知錄

風稜索索許子伯軺車督郵聲赫赫裔孫德似官亦同
獨乘瑞霧開羽翮金陵城裡春色多疑是六朝舊金碧
只宜細看後庭花慎莫垂淚江家宅吳醵那解醉離腸
嗟余自是思歸客荷葉開時楊梅熟江南江北遙相憶

送檀守赴闕

昔時江南士人輕吳會正如長安洛陽論賓主自從九
州花開一日來欣欣不復聞此語明州太守江南英信
美之鄉是吾土莫言只飲甬水便無情黃鵠排赤霄垂
翅一再舉御厨賜食紫駝峯情多猶憶馬夾柱依然夢
斷四明山花信風裡憐梅雨京師有花信風潮平驩喜浪婆兒
莫錯舉櫂新城江上去公乞廬州

顧彌邵以其尊內翰所有歐陽公集遺姪季澈
賦詩篇末見及輒次韻作

昭陵人物一朝盛晚有醉公為擬倫譬如羣鳳祭羽翰
來下千里儀九成鳳歸樂寂天寥寥人間墜簡空垂精
可但光華開日月要識忠憤聳幽神虎頭本是當時客
教子傳孫無栗亭晝吟夜誦翁文耳池蛙何容聒正聲
得之不待金錯贈好守門律如時令君家此叔定不癡
莫厭家雞外勤請

送公望

竊謂悲秋霖江湖難為客短髮思歸時奈此西行色念

君諸王孫風骨秀而整衣冠舊諸生不羞見狹領邂逅
託末契君室獻可孫豈但姻婭舊有感風義敦君知前
輩好寧用文墨期頽麟晉陳言為君愛吾詩

新作竹軒

齋壁植墨竹文蘇兩先生移根今何殊細度風雨聲妙
識前日意驪見此時情家山幾千里客恨倏似傾歸期
恨今晚像此葺茅楹故知江海夢常共月華清

感懷

甬東為客久心期日自昧秋風滄海潮尚餘桂江泪形
影悵已老頗識前人意柳子與沈侯超邁萬人外終日
常戚戚不知果何是我亦負罪臣視彼才藻愧柳子厚
詩云桂
江日夜流千里揮泪何時到甬東先是沈
休文有詩云桂水日千里因之平生懷

感興

越山無黃葉客子自悲秋朝來風雨惡白浪翻山頭歸
鴈不敢度何事此淹留少時笑古人耻為關外侯老識
古人意首山復首丘

秋曉

居恨日不過復此秋云暮一歲餘幾何挽之安得住老
矣且勉學高談非所與貧賤苟不慚勢力則不懼涼飈
幸已多寧煩賦不過

題琦公讚光堂

山川固高深不掩珠玉光道人覺物者明明豈自藏奈
何一世中暝醉不我臧收斂萬古志風雨一茅堂問之
默不語詩成蘭蕙香山中多卉木有待而芬芳自憐年

少時徹今晝公行雲空流水遠天外有鸞凰白髮此種
種紅塵誰茫茫嵩少今卜築因之歸興長

琦公熙寧在
西湖與參寥

諸人頗
有因緣

風

一雨一月强天地同翳如大風半夜起上下痛掃除彼
蒼不自壓人力端奈渠不然何特異搖蕩此寰區癡兒
怖拒起無衣凍不蘇尚恐山岳仆寧暇小物謀人生所
托微造化仁有餘明朝木杪靜宴宴看天衢

夜雨

夜雨聽沉寂頗似嵩少時但怪越江上非此嚴冬宜重
崗迷積霰故山今付誰潮頭斯更健魚尾適自嬉獨如
客子何耿耿問心期

寒江

寒江不可望怖爾舡中客波濤已無時風雨又幾日人
多冒險難我獨幸沉寂蛟鼉得意豪鴻鴈歸期急吾孫
解蠻語政可一戲劇

夜大風

夜半江頭清客耳
髣髴鐘聲風雨裡
雨收風冷獨嚴威
鼉號龍戰江流徙
政是夫差破越時
鼙鼓百萬當者靡
白頭嵩客柰此何
他年慣聽山之阿
唯披天地之中央
岫壘谷簾寧厭多
吾土信美小人哉
何不處處作好懷

和胡少汲遊山

峭直漢大夫
伊余忝末胄
出不遇良媒
生本值惡宿
高曾耀圖牒
舉戾辱堂構
十饒付羣兒
萬恨閤孤味
耻爭

市井日推願農田壽感慨觸目新忠憤平生舊欲論國
中樞誰識爪下輶偶為江湖遊喜見園林茂但恨老子
迂難復處士秀懷我故時人識彼往歲綬故人多寒落
高義或邂逅有美中庸故願息金蘭真家住瀟岳雲賦
此小山狄纔顯便官豸暫處得僧驚大篇既錦舒小章
亦玉鏤本期古人知豈急今朝售又如五色丹必待九
轉就不近戀洛陽何遠憚句漏神智此既澄世網不待
透明珠雀能銜黃金烏解漱遺骨一國珍死鬢百草鬪

果誰真美惡亦曷定先後食栢莫分甘種漆要自守無
思梁肉肥忽厭藜藿瘦德義難沃懷情欲為穿溜小人
窘咫尺君子狹宇宙清音可相羊畏途肯宿留原憲不
知貧季氏徒誇富既皆白髮侵宜各素心究內不識織
紉外嗜飽飮餌一言可酣醉八月非醇酎苟適年少場
或落春花園武思揮日功文欲凌雲奏懶出櫪馬嘶惜
笑閨女侑巧意難幸得枯脰或遭叩君如恥攘臂我此
甘縮袖歸見魯衛士未覺風宣陋每增輸心偽矧非見

面驟猿笑識巖穴鷄鳴知旦晝吾語雖不媚厥意或可
後

謝周同年通叟詩卷

周郎既老曲不顧自作吳音歌白苧二三名勝能知音
傖翁得之嗟已暮玩之在手不載讀愈見佳處心愈妬
君乎瘖休無復鳴我宜如許他宜慮鄉曲豫章皆才奇
直上千尺已摧去

還琦公詩卷

孤山教體外賦詩湯休上後來數參寥接手得宗匠東
遊四明山懷人增惻愴何言遇老琦二公論輩行但欠
主盟人汲古自清唱明年已七十句法何蕩漾茲山近
蓬萊展卷到絕曠島子敢賡酬我正恨難傍

四明人稱
村夫為島

子

次韻和法琦

野寺木魚午不響老僧乞米樵松根志幽思苦作詩戲
處身不忌如窪罇大軸視我正其欲尚恨近體意虛辱

報以五字陶謝家要看素絲難純東江頭梅雨滅槐火
我正思公慙飯顆復哦苦談來惱予歎息有能無不可
枉是畫公出前溪猥効蘓州失故棲蘓州風流今不見
公乎老矣誰提攜

書事

越天梅雨短長思嵩陽客子問歸期幽夢遠近徒猶夷
細字老眼厭紛披身將隱矣又何為且舒縈滯為客時
故自平平欲語誰

連日酷暑異常攄悶而作

寒暑平分東南之徼何多暘哉遠望炎州近觀火井相
與朝燼而夕灰名曰冰紈霜練服之一縷如十襲而信
衣冠之不能敢疑夏祖之居會稽短髮文身自蔽以草
萊浪婆兒身世世共道常年不如是誰復憐北客此日
真憔悴深山乳虎想騰倚清風不來空嘯死安得人如
葛稚川脫身直下坐井底柰何滄海濁沸日不敢浴金
波自爛玉兔熟四方上下濁氛滿何許層冰映彫玉苦

熱何不可濁氛端惱我

大熱戲作

仕板三十年罪籍乃十歲妻兒歎朝夕欲免饑寒累爾
來官南陬長夏苦炎熾自疑吾其魚釜鬻方盡沸金石
方流爍况此病而悴却顧妻兒笑聊取一嬉戲饑腸雖
自鳴寒凍非吾事

謝仲長通判朝議兄惠顧渚茶

天子不嘗陽羨茶二百年餘吾儂咨嗟可是吾儂咨嗟

休濤江春色遠含羞趙卿老矣刺史丰緘題寄我甬水
頭不敢西爭去貴嗜最宜東來同羈愁人生趣尚有窮
達草木還亦如人不誰家棄婦泪未乾忍對孤鴻暮影
寒趙卿蝦菜且良食莫教歸夢到長安

初秋思舊山

秋江未澄瀾秋聲已先到頗謝涼風吹客愁何須落葉
驚人老古來此興定何如自愁不愁自傾倒直爾相羊
好遠遊何不命駕歸嵩丘君乎不上三十六峯頂只恐

君家未是秋

送范八西上

江頭楓樹秋東吳王孫愁誰復憐杜客夢不到中州

閏

去獨我不自聊心事豈如期來歲同歸舟子今
未二十志氣長者流勤讀未勤問有待再見不

秋日江上作

秋色千里來潮波八月壯起帆增江勢勁風滋頽頽海
道當如何燕羽去雲上人生自窘束有情宜騁望兩眼

幸未旨莫謾讀易象

題明發所畫訪戴圖渠自有詩

扁舟雪夜興千載風流存詩畫能幽絕不似諸王孫興
多却易盡一世復何待傖父莫罵予猶且不見戴

嵐露雨

越山八月時颺空嵐露雨却疑梅再黃奈何燕已去平
生始知名要來愁羈旅前愁豈不多紛紛新代故誰為
司愁者特於予不負寄言宦遊子行李莫忽遽

寓興

秋風來偏戰萬葉倏奔亡客子江海間是時多慨慷何
事新來燕矯翼過吾鄉吾鄉多霜雪豈不坂路長思覽
萬物表試登千仞岡徜徉未終樂急景歎扶光

古人

古人愁已極今我不用愁去日已忽忽來日諒悠悠便
能如此志終恐慙白頭經月不讀書閉目得自求不如
懸車好更復外言不

風雨縱橫至

風雨縱橫至此非淵明廬
免哉風雨操人品有賢愚
彼方適雲旗我切畏泥塗
淒淒向深夜何處識斗樞

乘小艇戲作

知章騎馬似乘舡
我今乘舡似騎馬
舳鳴艫噴索莫馭
左磬右控手不把
稍稍風恬可騁望
忽忽波駛難遊冶
既信河流怒頗豪
不疑瞿唐不可下
婆兒未用傖兒怪
赤馬能戰馳馬敗
傖兒自哂亦以屢
愧爾會稽夏仲御

赤馬是晉舡名

馳馬是吳舡名

憶江南贈通叟年兄

北客而南征蹇產非所志問津人尚絕後來狂避世流
離竄斥者其數非一二風流稱南朝文物始佳麗要途
在荆揚僻左處吳會吳會興國來乃以丹漆貴若其大
才豪終是江南最君家住江南豫章生次第非但吾言
逼正爾百憂似易見巖下電難識斗間氣結綬三十年
膽策未一試譬如瑚與璣詎落日中市飄然渡浙江式

慰此憔悴我屋梁園久近卜嵩峯遼海蟲難下筋粟漿
有賤嗜不讀非聖書忍更增厖贅又不求甚解未肯爭
破碎排悶亦吟哦清潦誰滋味自從住南籍一語不敢
謂豈惟要絕言自憎生此喙因君發吾狂明當保嚴誓

桃

江南桃李齊江北桃根低各自擅風流人情千載迷桃
花竟誰比風雨日淒淒

園中戲作白紵

人間春色不須更芳草妬華不縈紆楊花不分上空虛
宓妃一去百代無不如雲外萬樂俱南斗鼓瑟北斗竿
與酬酢者非君徒

題冲弟詩卷

阿冲五字來江山千里餘能爾麗金碧定是勤詩書文
章與神明動作本自俱古人既云已令公有規模五世
以文稱故家誰復如

昨日之日

昨日之日夢可追今日之日愁能遲日之受謝亦何有
但莫令吾忠信虧但莫令吾忠信虧家山北斗深海湄
膾鯨斲蛟既不得蝦蟲腥鹹安用之難將短髮留長恨
山中好在雞黍期有舡載書復歸去高誼解釋幽林思
贈然公界方

西方名為蘭東山人可與不用量三江聊以壓四虎
偶見陳誠之一詩不勝欽歎輒紀贈求其巨篇
深愧蕪累

四明唐中業處士有陳深書既殫萬象詩想瑤華音惜
哉不並傳喬孫自苦吟豈易識此孫海底珊瑚沉邂逅
我見之昔恨阻冲襟念我理歸棹旅夢斷遙岑願乞十
九首降盡河外心

贈冲照

會稽城畔不見海會稽城裏海有聲山海之聲三尺桐
渺如渤澥含太清惜哉寂寥三十歲月出愁空不肯明
邂逅彼孫曰冲照燕坐之餘秋色橫揺手照乎休可已

悲風河水客心驚我少學此今白髮念昔知音塚草生
亦復何人能予知空問世身不得輕庭鶴待此朝入饌
子食有禁寧無情

缺門遇王三兄師文

生民本羈旅何以娛今朝風雨清澗道離別秋冬交忽
復有好懷故人道旁招如狂語錯亂疑夢情飄飄君髮
何盡白我志則全消憂患君恐可圖書興尚豪玷珪宜
委土良驥乃繫艷但願不再辱敢慕無久勞馬蹄分異

縣朔吹結同袍三年以為期嵩少理居巢

河中府古興寄劉壯輿

肘腋患難禦垣墻傾莫制茲哉論戰國破秦必在魏初
疑此語漫身到識真是河山既設險信食以自治秦雖
百虎狼得進不得退襄王昧遠圖蘇秦嗜近利惜哉計
畫疎為此山河愧我懷誰與語劉子長論議方為十二
史吾言不可廢眺聽長思君夢魂先朔吹

遣愁

白盡汀蘋老黃凋岸草秋西風正蕭瑟何處不堪愁

至河中首訪鬼拔河圖有畫人云因陸學士移
其壁壁毀寸畫令人感慨終日有作

坎坎分明拔河戲盛在此處唐尚爾畫手何人展子虔
妙不戲人惟戲鬼更無獐屬可嚴怖既曰依人人是擬
家家賈勇負勝餘見之心寧不知耻最是隋宮窈窕春
汗粧蓬髮羞相比故宜落筆在蒲州門外河來三萬里
隣幾舍人有榻本詩翁賦詩名更起咏詩想盡二十年

客舍此邦心自喜攬真永絕偽物欺顧影豈盡形儀美
嗟予斷絕百事心癡處留情獨在此魑魅魍魎好奔迸
文彩風流終棄地出門訪之無處所惜哉史君陸子履
但欲便坐易瞻玩不知壁古難移徙豈無剝落一寸餘
我願寶之若瓊藥不然當學補亡詩收拾粉本細網紀
或謂前年九鼎成時無襍糅清如水雖有高室誰瞰之
亦莫椰榆毛手指帖壁不祥宜遁外綵門拋梭方靡靡

初至鄜州感事

罪斥云一紀常亦守官箴置身江海畔放言麋鹿岑大

吏不訶譴小吏自堪任蝦菜日異饌著書敵南金豈無

二三子善叩響不沈更逢四高士

果恂
立然

語妙何惜惜俯

攬塵土影仰攄冰玉心苦辛雖在昔菑穫實於今歸榜

不忍速故廬尚可尋金閨朝轡輶輶荃壁夢蕭森領潤貽

爾誚新貴使我瘖飢寒一丈室

去年京
師大雪

奔走九秋砧

今秋

數往來鄭蔡
遂為西行

長坂馬難健敗絮虱易侵池西別故舊稅

駕雕山陰白翟無曩迹赫連有脫鐔幸哉廊廟術勇不

誇衆擒誓表前日來父子恩更深戰士老腐粟癯儒適

懦襟羊肥卧沙種酒美西涼斟農武自先烈五律勒窺

臨

予專察視保甲今年初教五陣

禮樂被遠俗三歎斤淫淫

予按外邑新樂

勉

旃不再辱聊爾容華簪斂迹有餘愧難聞絃誦音

予以名在

邪籍不得干與學士

尚喜屋山阿雙泉如鳴琴遠叫桑苧翁品茶

疑未謔洞中有僊者得度人駸駸長生非敢望却粒實

所欽腸空不貯愁慮絕發竒稜何勞東舉計即日返幽

林難忘平昔興一為梁甫吟

趨延安過野豬嶺

壑峭十月寒一步不得整如何騎鯨客來度野豬嶺遙
語謝康樂爾輩易清省

題楊如晦二畫

蜀道圖

山鈎樹白何年歲流瀑可聽下無地行人愁絕却無愁
始信宜歌蜀道易

邊鸞雉

駭堆丹青人姓邊無花無石自瞿然已能倚壁音聲絕
何用躡飛欲上天

萱草

山中萱草三尺長山中高人萬事忘欲借忘憂汝輩力
世間兒女徒顛狂汝亦忘憂非世憂臨風恐汝亦分將
願爾忘憂忘終始莫教老大空悲涼

鄜州張路鈴處見東坡所書漁父四首感嘆之
餘因思諸王孫伯言善歌此辭每以為樂作

寄伯言示張

庾郎幾尺大腰圍江北江南有好詩
今日王孫渾得似
仍知漁父醉醒詩為我高歌掩明鏡
上方涼簾鬼神悲
我曹早有江湖興風雨輕鷗細細隨
君朝明光我園洛
愁腸只有酒為期海外騎鯨消息斷
無窮飛絮解相思
孤舟本要載西子欲付此聲知有誰
安西將軍元好事
紙障題來什襲之

宿洛川嘉槐驛其槐真可愛因思李承之待制

嘗為此縣令有所建退省堂存焉

昔為扁舟客益覺此生浮逮今郵亭役重脰仍百憂嗟
予何所可歸去無田疇慚愧庭下槐百年霜霰秋上苑
誰移根兔目自山丘曾見李長官矯矯增風流欲登退
省堂秀句吟白頭天上問風月還似當年不

李白有詩
云天上不

知明月好人間今夕
是中秋予每諷誦之

三川誦杜老觀水漲詩

平生少陵詩佳處豈盡識何敢窺意韻尚且昧形迹身

到三川來瞽瞍迷咫尺連天穹谷句忘飢三歎息高高
方若懸下下仍如績扶上而削下乃在吾行役突然念
此老鎔寫不可極意中無遺境象外有餘力後來羣偷
見蠹魚恣口食安知九鼎珍宜爾終身瘠此行敢告勞
顧影若有得不見水漲時兩眼猶歷歷

古人論是非不
公曰興則扶上

衰則
削下

三川言十數年前嘗有一短帽騎驢之士半醉
徘徊原上久之曰三川非昔時比矣恍惚失

其人所在有收杜老醉遊圖者物色之知為
杜之再來也予獨鄙之作詩二首

君不見少陵有客字子美三賦獻罷胡塵起招魂收淚
謁行在寧論家室三川裡雲寒日淡劍閣深翠華望斷
塵埃底狼虎食人大道傍回首妻孥須怖此亦嘗寄書
問訊之鯉魚何在滄溟徙晚年雖卜浣花居心折秦雲
恨有餘茯苓不御丹砂就仙去還來縱目初乾坤宿醉
參橫醒且策東家舊蹇驢隣里一人安可得亦無墳冢

可羨無人間偏仄何偏仄却自騎鯨追李白

君不見杜老死去傲九天肯顧帑真下三川問予何事
知其然此世此老無姻緣平生志願得酒眠暫時去作
酒中仙況今仙侶瓊琚連瑤池醉倒阿母前一瞬人間
億萬年泰山為塵海作田何處更復有三川鳳凰五色
歌雲烟三川何人莫浪傳汝曹虱腦真可憐華清有夢
亦狂顛夜闌秉燭仍悁悁君不見狄郎志尚冰玉堅獨
聞此老近作佳城篇

景迂生集卷四

謹案第一頁前八行映照共徘徊原本照訛然據
文義改

第二頁前三行和資道讀王績傳原本績訛續據
唐書隱逸傳改

第二頁後六行據鞍可大隱原本大訛天據漢書
東方朔傳改

第三頁前七行菜衣媚家府原本菜訛菜據初學
記所引孝子傳改

第四頁前八行偏將布斤堠原本脫布字據文義
增

第八頁前三行遂名洞曰青溪原本青訛清據文
選郭璞游仙詩改

第十一頁後四行世事兼漳滏原本滏訛濫據太
平御覽所引水經注改

第十六頁前八行萬年高木同茅刈原本年訛牛
今改

第十六頁後一行朽屋歌危嗟莫支原本歌危訛

倚光據文義改

第十七頁前八行待魚落味急下咽原本待訛持

據本題改

第十八頁前七行金山中斥攬原本攬訛攬據本

詩韻脚改又近樵得鴈蕩原本蕩訛盪據一統

志改

第十九頁前一行結此空黝堊原本堊訛噩今改

第二十四頁前三行政是夫差破越時原本越訛
吳今改

第二十四頁後二行誰識爪下轄原本爪訛不據
周禮考工記鄭注改

第二十五頁後四行自作吳音歌白苧原本音訛
昔苧訛亭據晉書樂志改


第二十七頁前二行遠望炎州原本炎訛談今改
第二十七頁後八行天子不嘗陽羨茶原本羨訛

羹今改

第三十六頁後七行鄜州張路鈴原本鄜訛鹿據
宋史地理志改

第三十九頁前二行肯顧帑真下三川按帑真二
字疑有誤





總校官庶吉士臣侍 朝

校對官中書臣王鍾泰

謄錄監生臣熊 濂

欽定四庫全書薈要

集部

景迄生集卷五

六

詳校官助教臣謝登雋



欽定四庫全書薈要卷一萬五千三百四十二

集部

景迂生集卷五

宋 晁以道 撰

古詩

感事

十年三冬時
櫃火簾小室讀書似少疲坐睡塵兩膝飛

雪封我窻號風過我壁時有可語人對之亦默默當時
不知樂興言在今夕今夕何為者荒山事行役僕馭同
飢寒惆恍若有失旅舍既淒涼臺牒更狼籍始信柳柳

州幸此南夷謫歸去亦何難清時惟所適

平昔於王褒贈同處士八絕中喜誦其龍尾禪
室一首今連日行荒山中頗增幽居之興以
其句為一首寄楊中立謝顯道劉壯輿陳居
易同趣歸期有好事者亦不予鄙

井汲纔通徑

山頭百尺井有徑看如失唯有參橫時山人起自汲

蓬蒿自杜門

藜杖坐來久前年曾到門聞道蓬蒿滿秋風著舊根

人還虛室靜

何許人到來得葯尋歸徑吾廬月不落象外獨常靜

鳥宿暮林喧

未晚鳥歸宿倦飛憎世樊綸巾久接狎訢語不嫌喧

貧賤

貧賤不可惡白首不敢辭聖人為我戒敢不周旋之山
王亦何事五君詎見遺奈彼後世論呵評相瑕疵雖有

解嘲人正自漫爾為寄言宦達子努力向金閨

送知府張路鈐還闕

琱戈未肯下靈州白馬將軍今白頭將軍父子重儒術
坐有綠衣人則休六字謠頌固流落卧使雕山添岵嶸
看山飲水無一事日俸歲飢欣自若匹馬飄飄朝九天
晚交送別亦潸然煩君去路望嵩少猿鶴相思端可憐
公之先德太尉常云坐上有著綠
書生便釋然忘懷太尉名守約

思四明所居與姚江渡相對

今朝旅恨到何處
軒窗直對桃花渡
桃花渡上風吹雨
道人芒履誰來去

涼州女

涼州女紫塞春輕黃
濃黛君莫謳漢宮
曾此選才人鹿角魚
鱗鱗有山有水無此
珍我強寬愁亦怒
嗔逢著澄江悔不詠
功曹豈自誇詩聖

楊班湫神恩加廣應公以其誥祭之

平生笑殺詛楚文
今朝廊時祭湫神
嗟爾湫神何為者

上公衮冕皇恩新日出輝輝收霰雪彷彿拜命若可親
湫神傳云是楊班墳墓突兀自姚秦當時功闕今不著
崔蕭之史討無因將軍得名宜勇哉里俗所頌疑未真
黃峰往媒康氏女親迎波間不敢嘖至今七夕後二日
康家送女紛紅巾神視可已胡不已清明之德先諸身
湫初來徙雷霆夜鬼偕百車載淵淵宜囚厲鬼縛惡虎
螟螣何足煩怒嗔邦人不困亦不飢山可夜入耕陽春
初無梗稻勞灌溉黃麻黑黍易與仁敢言此水淺於舊

霧霓雨起雲輪困千人一日酌不竭神物所遇誰敢塵
豈但簫鼓十州遠祭秩已入中瀆倫異時香火故允會
品極勢重力益振位浮於人神所殛神忝厥職亦愧人
我勞直拜不私禱上佐邦國下斯民敢學韓子炭谷湫
潮慳悔怪徒跋跋

寄琦公

住小溪

窮塞歲暮懷琦公實真侶恨此長城風不送小溪雨夢
斷七十強心留五字苦斯世何寂寥無人稱支許

寄光公

湖上石楠花木屋待久老僧來默默徐言徑歲不出門
偶向今朝移苦竹有琴掛壁積塵埃強之使彈響山谷
至今兩耳猶泠泠迴風日夜相思曲

洛川驛中夢與一故人作詩十餘韻既覺惟記
其兩句南山絡條華四顧吃所哀因識之

西征豈不樂夢中詩誰哉南山絡條華四顧吃所哀山
川今可夢小謝恨能裁無令辜此夕羸馬空徘徊

君子有所恨

君子有所恨擊指血不躁相望已千古欲語安得到荆
卿無劔術商君棄伯道二子苟不然功烈迴穹昊嗟哉
淺大夫不自極懷抱

洗山

公事豈不猥吾性自有適驩言春風初洗山出怪石何
幸此土壤頑驚壓空碧嶄巖有天姿畚鍤不待力橫如
劔出泥縱若月退蝕乃知凶讒輩暫為忠良賊后德頗

清明萬類各有職吾非茲世人因之聊嘆息嘗聞道人語無垢法第一多謝讀易者洗心如玉璧

二月初山上作

與春相別云一歲遼鶴有恨不足加意韻寂寥莫我適起逐春風山徑斜春風自與時窈窕豈為來開桃李花不然春來已幾日何處桃李不枯槎乃知桃李善早識遠交深託待紛葩政如世間嫵媚子巡牆倚戶漸齒牙公卿初豈以爾故賈金佩玉牢聲華區區更憐蜂蝶輩

草根花底為生涯此理前人未見之我今獨得頻咨嗟
生無京國名園分況此邊城萬里沙

夜雨

夜雨豈不好欠竹與芭蕉可想春意足不聞聲蕭蕭清
夢江之南雲霓正逍遙舊遊二三子為我吹笙簫覺來
耳餘清明日是何朝

久留帳下日夕思歸輒作長言一首告別經略

安撫侍郎

亂山急雨佐吾愁春去已遠人淹留誰能一飲一車酒

縱談醉膽輕涼州元戎高韻撫鸞凰舊有沙堤幾步長

眼底不堪論往事且誇羯鼓似邠娘

唐稱羯鼓邠娘

應憐蕭客

羞澁餘思歸欲自駕柴車月邊風冷不得住氏骨從來

有曼都

頃曼都既仙去月邊多風客思人間

聽唱秦少游溪路雨添花詞感舊作

秦郎不知我我豈知秦郎相逢每戲劇此狷而彼狂坐
有今輔弼正色屢低昂逮今白髮垂悔昔少年場一聞

溪路雨淚與雨爭行黃鸝千百在斯人今則亡如其並

老去娛樂豈遽央况復有諸生遺頌滿汝陽

予與少游蔡州教授

交代瘴霧殺君時龍門曾慟傷今雖苟生活蒼蠅待我傍

誰家有歌喉此曲宜斷腸攄我一夕恨與世同慨慷

書事學謝康樂

南北夏綿絡同名園與鄞歲月老羈旅何事勤所勤情
勝古人契身以邪正分清音幸先後曠懷得朝暝山腰
轉嘉樹風袖落閑雲盤磴去未迷飛泉高下聞龍栢肯

子構上苑侍吾君

章聖後苑雜花詩
十首中有龍栢

遺花論繾綣丹丘

荐網緼中抱既兀兀外驚徒紛紛映窓有翰墨滿架亦
典墳攄虹宮棟宇流汗程斧斤少時嘉詭俗老境思迨
羣不復夢江湖詩成心自欣

書觸目

山以石得名土為山之賊如何此云山土石相充斥土
上而石下無良濟有德土實最下底位高忝厥職或云
三千年此土化為石頑陰不堅陽如寄暫客迹因知造

化功不出纖毫力君子自苦辛小人多羽翼念從開闢
來久矣莫變革吾其奈此何唧唧復唧唧

題鄜州牡丹

牡丹憎我真惡客不解飲酒不吟詩欣持一尊勸花飲
那知不醉但淋漓爾花既醉應似我耿耿一世幾傷悲
綠珠樓下香猶在西子舟中意尚遲三尺晏嬰頻欲殺
爾何天矯尋常為沅湘草木共憔悴幽蘭何足九畹奇
昔人妙語不爾發顧我安得有好辭晚來亦解意自足

秀色直可食特肥

寄陳留江子我

丁酉

江家直在嚴家瀨亦有商聲歌半夜不煩死魚遠吐墨
誰識天馬早流赭嗟予久已烏角巾愧爾當年白蓮社
唯在瀟山見老禪枉嘆門人才盡下

庚子初伏前一夕大雨

雨來夜早晚夢斷驚所向鼓輦聲後先龍蛇勢下上奈
此老屋何詩書果何當幸矣托皇州高枕得無恙瑞物

日紛紜豈我獨飄蕩興言及山楹羸思輒以張踈泉到
雲根松竹青益放胡不返柴車旋馬可鬱快平生知顧
行短髮增惆悵明朝入初伏金火兩無恙

次韻和江子我臥病謝予相過之作

棄婦不言貧孤兒不知病美疹亦何有棄運披綠淨大
易疾无妄要且觀情性我來自山中非征亦非聘但恨
清風薄安識皇都盛况聞藥艾攻之子駭觀聽策羸七
里灣憂醉豈易醒今茲早常饌高人能自勝不發五字

吟久與金石稱我老言亦衰同鳴不相應

數蒙楊澤民秀才惠佳篇謝以長句

嘉陵江聲不到耳嘉州清音得之子豪英磅礴狎鷗鷺
金錢棄擲等泥滓青樓不使白髮生萬恨都歸一杯裏
三蘇死後三川愁君輩人才誰所喜

以李約交遊晚歲重為韻作五絕句別韓二十

七

紅塵歲月晚白社煙霞交相思得相見作底不逍遙

幾歲不出門一朝事遠遊長安初豈遠孤客難淹留
茵蔯露不遲薰葭霜豈晚我生寧免愁別離無近遠
敝廬無良辰荒田多荒歲貧賤重離別君乎休富貴
少貴別離輕老賤別離重後日君亦老我髮亦種種

京居秋歎

京居少蟋蟀失我田園秋何用外物感不勝中心愁少
多王霸略老窘衣食謀神臯既絕分蠻徼亦願遊鵲飛
徒繞樹坎止信乘流顧惟爾青簡能令人白頭當年魏

公子今日無遺丘出門何所從垂淚且復收

送周秀實知新昌

尊公文律自瓌奇雖持使節未相宜子敝青袍哦五字
州家不喜縣家嗤十年主簿今遷陟縣衙簿尉來趣揖
越絕山川舒嘯時莫歎鑑湖今幾尺鑑湖幾尺吾其那
聞道新昌佛仍大昔賢墨妙誰識之一日清風千章破
人間月色過中秋天際風光稱遠游陽關本是西州曲

鷺舞蘭橈不解愁

新昌西明寺碑
宋宣獻公書

謝高四十子昂詩卷

我有瀟湘淚還供閨閨愁故人過我窓燈下謂言客子
宜悲秋往體格律作相視久矣揉練幾百過不然何以
解能云是中不放客愁破文字能自達何處有富貴莫
愛離騷亡國音學乎大雅則知未

送邵大兄知果州

先生之子征聘目自當黌舍稱先生即今白頭青眼絕
空持短節長安城漢宮雨露一朝到劍閣山川五馬行

既成詩書鄒魯俗難忘家世伊洛情
襄橙鄧橘饒渠勝
魏紫姚黃如我盟
約束南充謝家女
飛空倦矣復齊氓
鴈遠難羣聲不斷

闕

顧我寧無意遠遊

羸病不得俱徂征
長亭無酒酌君別
獨將此恨西南傾
送顧彌邵朝奉知錢塘

錢塘宰是會稽客
一身見盡元與白
元白風流且置之
是家尊翁勇金石
早受申公國士知
誰任東坡邦人責
之子敢嗟官不達
惟慙家世無踵迹
大才小試亦丹青

衆前獨却自朝夕童稚欣欣新有謠湖山藹藹舊相識
定知不用酒遣閑流行舉要百代歷

溫公有資治通鑑
舉要歷未出彌邵

欲刊於
錢塘

謝程致道監丞以秋夜直舍二詩相視并簡蘇
在廷少監

秋風雖云高不到建章宮巨麗發妙思翰墨爭豪雄移
子范舟興入此潘廬中誰成到誰手鬢面絲髮翁豈不
憐此老氣恭志亦窮聊以壯觀之行潦落長虹低頭謾

代北攘臂走遼東自娛蓬蒿與敢傍珪壁叢憂時難暫
已有感如霜鍾慎莫視蘇子是更得家風

謝邵三十五郎博詩卷

我嘗為歷學上元要極遠上元有遠邇疎密出早晚顧
惟爾大父皇極究其本唐堯上百代日月來衮衮因之
知百索孰可妄憎噉子前視我詩與子論詩壺子詩既
煥爛我言得安穩為子極源流無難如建瓴風雅闢大
田騷些助鋤墾曹劉鮑謝輩風雨得蓀蓁閑居既識陶

詠懷宜知阮不有鮑與謝白也胡婉婉苟無阮與陶蘇
州曷息偃上下曹劉來少陵自益損豈易少陵學浪走
徒多踈况復爾來人不竈而市飯大兒誇蘇豪小兒爭
黃蹇詎知韓柳先學大忘赫烜餘事五七言朝鸞叅暮
鷗又如萬仞姿松巖絕蘭畹念彼形似徒澁舌舌枯菌
何人分詩文兩隊有魴鱖子早知此病我語出復返何
以謝子勤王道不可緩凜凜易春秋南面儼龍衮禮書
朝萬邦寶輅聚朱幘顏曾侍珪璋荀孟陳干盾老謾憐

驥櫪壯當勇虎圈明朝役高興蜀道橫碧巘我實愛子
才語長情繾綣

庚子冬至祭鼎閣差充太祝致齋於內西廊待
漏院以近法物庫有火禁甚嚴不勝晝夜寒
苦輒成長言

至日為客昔人歎況乃客次在齋宮所寓有火禁冰食
霜寢多淒風豐屋高懸日不到未信一陽生是中嘗聞
鼎以大祭祀未聞祭鼎陳笙鏞茲焉祭鼎戒羣吏古也

拜竈勞皇躬森森鼎閣祚厥西螽螽明堂配自東天子
萬歲調元象歲歲年年為祝工閣名圓象徽調

高藤州六觀堂

曾子三省予未能夫君六觀何自入天台教我三觀妙
君又三之彌有得露下聚散俱已空電出有無仍不實
一世假夢暫踟躕萬緣托幻聊戲劇澄淵泡起不離中
劫形影見無差忒茲惟一心之所發邈乎此心近不識
更須叅之艮為山隨其觀處離非日與君相遇紫陌邊

不謂我言無不急君方度嶺駕朱轡我言之外何所識
詠老
腳踏浮雲身已老訪道修行恨不早曾見商周全盛時
不及唐虞古風好

同表甥趙康游种范李園

百態范氏石千尋种氏木灌以村李水禽鳥識故國使
我從今去魂夢游不足

蓬萊仙

我是蓬萊山上客，暫到人間管春色。
謝家池館縱吟魂，卓氏酒爐迷醉魄。
人間春色將奈何，湫湫灩灩濃如波。
歸來說與秦王女，麻姑偷去唱為歌。

十二弟寄所和邵子文病中感懷之作復次韻

寄子文

先生窮著書，寧比近術赦。
天故使之貧，赤手唯書籍。
或者窺殘篇，律呂起韶夏。
微意有子傳，光燭不隣借。
大臣薦曰才，留守勸征駕。
講席出正塗，肯以眇跛訝。
生平猷

畝心願被草木化卧龍終佐漢捫虱聊倚華二君獨何
居耿耿心中夜不悟伊呂間安容管葛亞璞玉詎連城
祇堪雙則價何事揶揄鬼疾病尋豐鑄井臼每苦煩藥
食則不暇不藥得中醫藥默符覆暈哦詩便無恙乞酒
宴茅舍彌荷天地恩性命永其貴飢鷹待中輩死矣一
飽乍顧我與君侯更愧東山謝

迎赦一首

燈頭異花垂永夜占云明日當有赦咄哉無煩汝報我

三年郊恩遍天下知人所知豈神聖偷歡送喜真便佞
犧卦箕疇汝詎知冰凍火炎予不問瞳矐日出迎赦來
沸渭頌聲何休哉陛下萬歲御九垓王母獻壽滄海杯
更看正仗單于陪

伸謝經略安撫待制送酒之什

真茶竊所貪薄酒亦云嗜況此兩乘壺旨哉出廳事歌

美秦州半樽壘更幾倍

秦州半古曲名

元戎眷非一於焉則有

二廛老欲扶持牢愁使碎破風雪客歲殫無殞故園淚

我實不能飲自有愁常醉顧彼昔之人何必陶阮類槌

劍劇孟俠文武衛公貴

李文饒

宜飲不飲者我言尚何費

顧分玉帳春遠以金壺致舊都新奏功如花方高會

唐人

詩云漁陽宴舊都美人花不如今鄙意謂公不獻貴勝而及衰賤耳想同韓楊二公一笑

陰山女歌

劉原甫侍讀嘉祐中使遼聞陰山下有女子

漢服彈琵琶傳意甚異作陰山女歌說之感

而復作

陰山女漢服初裁淚如雨自看顏色宜漢裝琵琶豈復
傳胡譜赤車使者傳琵琶翩然雌鳳隨凰去豈不憐此
女兒心父母生身遠有祖平生父母九原恨得幸一朝
收拾取使者高義重咨嗟衣裳盟會其敢許漢裝漢曲
陰山墳七十年來愁暮雲即今山川還漢家衆下女兒
聞不聞誰將一樽內庫酒招此芳魂亦何有崔盧舊族
自豪英顧此女兒慙色否巍巍之功惟陛下萬歲百男
司宗社赫赫雷電暫出車陶陶韶濩詠歸馬墨莊侍讀

如尚在應有好辭獻壽筭

月下作

今夜隴頭月往歲沃州山
短髮添盡白遐觀彌多閑
遙憐大定僧注彩衲畦間
塵冠何可久曳杖吾當還
胡不忘言休自箴茲厚顏

恨契詩

坎壈愚無計慟哭老無淚
居處近何適隱遁遠何暨
爰來未嘗恨始恨金石契
何朝鎔而泥亦暮泐以滓
有美

者伊人平昔嘗自謂此身敢自輕實與劉向類孰如同
姓憂斧戾況忠對與我盛蘇門何人忍棄背顧彼蒼蠅
姿須臾來附驥附驥只須臾沒身有臭嗜國中起四顧
誰門復擅勢前日既居貨今日宜入市市主誠何知多
賤而少貴懦劣既先奔強梁亦晚至俄然欣解榻倏爾
投神技烈烈參貔貅堂堂得英衛雲朔土即復單于頸
當繫如或騎猪歸鐵甲之羞愧功成麒麟閣丹青更何
視莫能為爾言擊指血迸潰況我本小人西京仍已亟

所得果幾何作詩深自勵

記夢

山上多曲木澗底有勁草乃知窮達性多隨勢所到此
語自夢中景物殊浩浩頗逢平生人歎息年非少獨不
偶貴勝昔見非吾好語類紫芝歌敢不勉蹈道孰能憊
悴予著之視同袍

謀歸寄陽翟李九呂十四兄

著身到雍隙故人在陽翟白髮何冉冉清夢徒歷歷有

美李將軍詩是萬人敵家封異姓王身老二千石呂侯
幾世來蟬冕必踵跡如何此孫賢早飢而晏食門前潁
水流屋上嵩山色天以延二老世人何用識祇應爾日
來為我長歎息我嘗從之遊何此難投幘離下菊黃時
鴈背俯可即嶽寺講時鐘婆娑且連屐

聞圓機累日病酒戲作存問之

善人有怒而無嗔美酒何曾病著人夫君自是愁鬼著
愁鬼一勺百氣振夫君何以致愁鬼十年一官冷於水

況今復似未第時
醕酤長編痛料理
君言不覺身無聊
西家醪勝東家醪
是有米亦可飽
枉費東坡歌小槽
圓機正看劉道
原長編疑事

屈原石板上見圓機題因和之

門掩自開閑樽空
寧薄薄妙語知杜
美剛腸識雷惡
饒花人豈貧多竹
地不薄最道長官
難只愁里胥惡

次韻邵子文書夢

先生有道無寸田
長歌擊壤醉伊川
今成玄冢高嵩巒

嗣子詩禮老益端少從父友學其難一詩百讀口角涎

父友寸步簡策邊聲名九州四海寬時有狂瀾滙怒湍

百姓安肯一著妍獨樂園中往復還蝶翅沼上青草煙

書成硯六氣桓桓蒼生屬望十九年聖時未肯誤儒冠

倏見佩玉朝珊珊汴洛迎送路接連急急政如渴赴泉

跛者釋杖瘠肥臙兵偃不用盧重鑲貨利去若風中幡

抉部一發天下言白髮舊德殿中間經行求士趨傳餐

先生之子難鬱盤綠衣春色行度關羣賢並進讓後先

山摧棟折何茫然人間此夢白日前況乃桃簾夜穩眠
仙山塵絕遠罨罨雲樓烟閣白鶴閑若嘖若笑玉女顏
我欲並之無因緣傍意若謂堪憫憐是間有汝世之賢
此公不死神常全王喬偓佺不及肩汝曹蟻輩徒攻堅
欲子見之駭衆仙子色不平羞青山我為子往問彼天
誰敢少弄天公權蘧蘧夢斷目鰥鰥但覺毛骨輕且便
賦詩不怕衆險艱

月

真月夜夜滿安見有盈虧譬如匣中鏡一成豈合離脞
蟄與狡兔謬及丹桂枝我今盡掃蕩庶識真月為

送曹資深受代還京兼簡劉養正頤

韓王孫子何楚楚不用根源論魏武讀書射獵固有如
劇談大笑能爾汝為君相遇在東州與我中分萬斛愁
我歸未得君歸去風流應復屬曹劉

和二十二弟不相遇之作

秋雲欲邁雨惱此山河涼柴門試一出矯目歎林光孔

鸞勢自遠鴻鴈意亦長先後日雲間俗眼安得常

秋吟

友生吾所畏言貌凜秋威崔子稻畦晚楊公玉田飢
除昨夜霜鐘鳴尚依稀吾友豈憔悴西山空崔魏

崔德符監

稻田務楊中立
提舉明道宮

說之方憂韓公表大夫疾遽致仕乃蒙傳視送

陳州王樞密襄作詩十首意典辭麗忻喜輒

次韻和呈以公若登台輔臨危莫愛身為韻

布種無多寡收穫幾豐凶老農知歲異遠賈務日同孰
是勉無德莫非矜有功君何謝事早兩世有四公

念公多疾病使我頻驚愕可恃膽氣大何憂腠理薄九
丹詎凌空八石聊扶弱無煩問安否眈眈亦自若

潁川美鳳凰淮陽盛股肱皇恩既布獲清羸亦作興自
知同涇渭孰覺異鸛鵬巍巍君子堂而我得先登

人間陳五鼎天上應三台顧我幽居人卒歲事田萊首
種既已薄時雨又復乖身事尚如此與世宜不諧

袞冕有人妖鐘鼓成國蠹可憐凌霜幹不作濟川具三
易朝吾車六詩暮吾輔豈亦不自娛菊徑而蘭畝

末宦從遠役沈疴得此心朝言麴神降何用官鬼臨幽
興落醴浦清夢繞崧岑使我既慙昔奈何復愧今

迷行常坎壈守道自熙怡伐蛟不恃刃刺虎寧用機華
屋非所尚茅楹豈不宜未覺覆盂安詎知累卵危

渡江慎且無登樓戒亦莫有如鶴乘軒便類燕巢幙此
君如寶玉百火不一爍又復如衢樽醉不謝所酌

君少我十歲憐我空老大期君到雲霄遺我餘
聲歎忽先辭漢祿孰從仰周賚顧惟神所勞何
論心乎愛能老彼形骸孰疲此精神繫其抱病
客只是苦吟身少出便十首高興感五辰嗟予
強屬和汲思如井輪

南門

今上元年九月初正南門鏐澁關樞城上日出
三丈餘城下戢戢人嗟吁最憐縱橫荷萊夫欲
殺青菰成蒿菸馬駝去噉膝聚不驅羣鷄孤鷺
鳴相呼邈然不數羊與

猪客子四散別門趨逐臣過焉問何如知者不告色不
舒或言上皇帝有符北門不開留翠輿金人忽屯城北
隅方今明目達聰俱司馬郎官上奏無未幾金人來
坦塗城南鐵騎柴去奚車焚蕩畿輔陵別都衣冠南下
滿江湖白頭辭臣思獻書洪範災異信豈誣

送蘇季升出守明州

四明白髮船司空喘息使君如不容自爾怕道四明守
問今何人休嚇儂丹陽丞相蘇公子氣和體正如家公

坐令山水生清思雲南雲北揮毫中江瑤海扇不入筋
肯以腥醎水驛供百家之產歸一器詔下掃除勤耕農
皇威海外龍蛟蜃麗人大船安得通元年新政見此守
丞相蘇公真有後過家上冢問阿兄四海澄清眼明否
送陝西運使陸郎中

二十年來關內客眼明太華高太白今日前驅使者旌
雞舌香餘新日月春初胡騎逼王城公在城頭佐天策
將茲膽略撫西戎蕭關遠邇無堅敵便使秦人不告飢

軺車與爾同休戚惟應拂拭舊題名幾人身在空相憶
為我寄謝錢都統鬢間不許霜雪積

今年暑氣甚劇六月二十八日初伏之末風雨

甚橫既而便晴有感作

不記作處

庚暑既云初甲運將後決正當相大行如持潯土

閏

炎

熾及雲霄煩燠况僕妾皇天不勝毒一日思自愜箕畢
靡遑舍巢穴徒更警雨脚壓嶙峋風威振蟻蝶滂沱驅
鬼神廷除覓舟楫扶搖百年木斬馘一瞬捷豈容壺蟻

蠹諒搜芥龍厭我屋茅何支彼田禾已躡簡編恨枯槁
縱橫恣沓泉酌便無情湯餅誰為饁亟欲撝締綌從
此正經蹠矯首凌鶴翔奮身脫鳬跼寧知不疊疊俄覺
復熒熒強陰難節制衰陽易威脅蘊隆增幾倍沸鬱起
重疊蝗陣蹙併張穀根自安貼蜩狂噪百尺鳩慚勞兩
頰我亦悶賦詩欲語而膽怯

柳集亡食蝦蟇詩因有作

不記作處

我讀柳侯詩不見蝦蟇篇所亡諒非一撫卷為慨然不

應流落人吟咏亦不前問爾胃中奇何以能棄捐湯湯
柳之水漁無魴與鱸背脊得蝦蟇樽俎萬春鮮莫言形
貌惡素蛾與嬋娟柳侯比秦豹賴以韓詩傳如聞大呂
方乃無黃鐘圓問之州鳩氏政令恐不宣我嘗求元唱
其深在九淵侯詩蝦蟇美人人垂饒涎蝦蟇竊自懼子
孫恐不延奈此文字何偷攘付蜿蜒蜿蜒與蝦蟇腥介
每相憐遂令連壁孤不知今幾年念我少年日未識侯
詩妍曉見海上老口誦盡殘編因之得揚榷今古共周

旋此老可補亡已矣淚潺湲

舟子語

晁子被放逐四方何所止隨衆到淮口脫身亂兵裏長
淮歲暮風舟楫不得艤因之狂雨來青山白浪底風雨
與波浪三者酷鬪靡北客怖未嘗波神得自喜舟子言
勿怖此身衝去聲風爾前風衝後風縱神雜橫鬼吼怒夜
潮落倏忽熱風起衝風如小人熱風若君子明日復衝
風又非前之比舟子言可賀此風郡當死盛大不死者

從何覩神理京貫黼攸輩萬貨他乎委官知其然歟幾
年干天紀神降與人言化酒初桃李上真怒中涓實錫
敵人社破我諸州鎮列陣風從指漢兵遂喜北不走即
降矣風伯不祐我豈獨在茲水舟子語可書聊以視知
已

十二月十六日立春

今年立春常年殊要乘生氣克闕蘇鐵騎一成再渡河

春色慘淡羣悲呼相公廟略記諸天亞輔割地甘丘墟

天窮地蹙否極泰王城門開陽光舒天子當陽朝萬
國須擊土牛同賜酺青青原野無橫斂四民安樂祖
宗初

旅次大風

臘尾春頭難作客借書數帖

一作且將書帖

共徘徊洛陽東風

遠尋我水波參折馮陵來可憐難問洛陽道念我邑墓

有餘哀

闕

山艮岳不可見望望都門何日開勤王之師

未肯發怒颶激起無摧顏黃河浪高大岷山甲兵十萬

不得回吳艦楚拖日千里大府有粟寧待催朝廷號令
必偃物我得歸到孝王臺

近遣郎官數輩
催綱皆散去

曹仁熙高水壁

夫子在川上悠然嘆所逝見逝不見水身與水不二天
維及地軸去矣不可制日月徒勞勞出入丈赤地英言
此身微久圍待經濟或指波濤觀始在蹄涔內徒人不
及門有口安足議劣得蒙莊周動與呂梁會肇公識前
波不共後波靡龐公橋柱流奔湍是証事熟誇觀濤

者八月吳儂戲瞪目不敢瞬睫軟蛟鼉噬多謝曹仁熙
筆端落妙意欲採甌社珠於此觀粲翠

張平叔家絲糕

君家絲糕何處縫三月晴天蕩漾時繭頭越水

一作女縹

不得却煩素手與晨炊客子千頭萬緒苦方寸五紵誰
得知

次韻謝人惠詩

東郊久不開春風宜斷絕梅信豈得芳何處香芬烈徒

令湖海士借論古人傑
柰我貧病何
蕭寺多積雪
終天不出門
圖史欣羅列
欲上皇帝書
廟堂誰稷卨
遊魚清且一作自飛鷺遠
更潔顧彼四輪車
禦侮難結轍
一朝叩旅舍
問我來何說
再拜謝之子
我正如子拙

謁嶽廟

吳楚江淮接海濤
百龍有職驅龜鼉
空中夢楠森然是
天上雲霓不得高
穆穆冕旒衆帝制
紛紛牲幣自神皋
不知嶽帝從何帝
要自天曹各有曹
南極祝融閒劍戟

東方太皞却旌旄若容羲仲篡羲叔亦許帝舜囚帝堯
牛斗吾鄉如失位奎婁魯野豈專朝人間職分已顛倒
願正天紀尊堯堯

淮南王

淮南王解燒金胡為黃葉落故林神仙鼎氣覆千里草
木姿媚鐘磬音誇誕之語莫可恃儻然安得我登臨即
今巨盜處處起天子不貪淮南琛

贈陸遠大夫

顧陸筆墨森威儀身後猶為道子師欲觀道子觀顧陸
陸孫定自有天資或言苦與龍眠者不頌世德誇義兒
肯為俗人落吾筆玉虛天公實我知倘非從容接笑語
安得生氣今如茲湖光萬丈明珠滿對此佳客申愁眉
又題陸大夫畫逸少遠遊道林

會稽內史勤筆墨遠遊中坐無一物何事支公愛神駿
團揭皋齒映頂足拄杖圓笠如意負蓬髮著巾俱肅肅
相向忘言在何許望斷高山空翠麓

再題王許支圖

海嶽登臨許遠遊，上乘雲氣下扁舟。
可憐畢竟不聞道，妙翰神駢却得留。
右軍憤世猶懷古，何事一朝得支許。
馬足不動羣奴癡，感深絕俗俱無語。

積善堂

我家得姓自衛史，文王之昭鍾厥美。
西京御史府大夫，父慈子忠不惜死。
至今墓上無曲棘，潁川歲時虔廟祀。
中原喪亂厭風塵，南渡不及渡遼水。
晚惟道武攬英雄。

遼東之晁同興起世封潁川刺濟州子孫嬋媛冠劍偉
唐有賢良如漢初名動集賢為學士是時海內書家

關

未議張與李

三相張平泉李

忠實文華入本朝三祖百孫

同一體中祖潁川襲遠封東祖西祖復於濟自從決策

罷兵來

文莊公會韓范等五帥罷西師遂叅大政

平進不厭百寮底即今門

戶益衰微攬古懷今情曷已上思北播無垠

關

宿莽

心存春藿靡漳州有母行百齡踈封鈿服明光裡夫
人眼力尚針鏤拜恩不易從稚齒初惟夫人有子賢曰

此布獲敢不裨何勞夢帝血面諭直以微誠動旒宸華
堂白髮喜更新即看青袍子高第壽筵千場日未央膝
下曾元扶且倚中眷有孫不能鳴東春孫文刊熒煒

送懶散先生東歸

先生身幹若浮查舌響霜鐘激水車平生樂逐胡一作鴻

雁起倏遊吳會忽京華公卿到門問窮達未易可置吾
齒牙今我何事亦青衫掉頭棄擲如泥沙數術因之為
道術淨居與世不交加一醉十日醒五日雙環粧罷覓

新花邊塵滿眼獨不怕此非淨居之勝耶

題兩馬圖

前馬去駸駸年少意有餘後馬追馳驟喘殺肥髯奴

二十二弟自常州寄惠剪刀及筆來因作長句

弟書毗陵來有同股分刃之刀綠管白毫之筆刀是寶
公錫上之所懸筆亦江淹夢中之所得江南刀筆有如
此不比豐沛吏蕭曹而興鋒鏑顧惟二物大有恨不蒙
獨孤府君一言之飾使君惠山延陸羽文章不落翰墨

迹關思西南一振策破賊露布徵兵檄小楷帖黃奏北關

念弟未歸空歎息

錢德載以臨江朱玠筆見贈以詩謝之德載與

李先之亦相善

清江長官空書來朱玠妙筆空悠哉恐是怕上萬言書

惡嫌並命憎不才

說之與先之同除著作

實紀二十韻

雙廟之前扁舟艤大原失守邊塵起鐵馬渡河京城閉

堤上奔亡如磨螳不是清河早腹兵千艦萬舳去何已
百家相逢不相識同聲嘆言有如此閹貫梟廬一日間
地下未應有餒鬼董卓臍燈照催汜祿山腸流盛安史

此二句謂貫梟雖梟而用范訥輩

京不及刑家自全黼弗顯誅恩尚委楊

炎終報元載讎微之實同宗閔耻

此二句謂京黼輩黨與猶衆

政刑

既棄四裔盛中國偏安招訕毀尊名重器古有之公
卿何人是知理嗟予老病豈樂生實抱忠謀難須死亦
嘗奏對明光殿寒饑徒步荆棘裡面風背日若有待前

有戎車後妻子戎車不斷頓都城元戎一言左右以選
有人家投宿無骨內夜飯無鈍齒不嗟五日不類面但
憐一夜燈花喜庶幾明發脫盜手復見皇威振遐邇廟
堂再見謝太傅奕棋未罷風塵弭前夜客投佛寺晚全
家凍泣木魚底我今朝夕幸已多聞見紛紛聊實紀

靈壁石有未上供者狼藉兩岸

鳳凰山石與石殊勅使督首傾舳艫擎空不數碧莖莖
媚日寧顧女珊瑚但識天囿簫韶底宣期汴岸沙磔餘

煬帝錦帆幾來往曾不得汝恨何如

枕上聞蛩忽久不鳴

促織復促織爾實借我職語我以詩書覺我以道德胡
然久不鳴似知不如默默而如見容實惟已失則不見
容而疑豈不云大惑智或神於著夢有不待卜秋風日
已高太白光如植予豈默默時殺身殉吾國

連日與性之王君談遽來告別因作

許州秀才周君蒙星官占罷淚無從歐陽公死不過夏

天上文星已告凶，常秩王回暨姚闢排斥先儒不少容。
四弟曰向竊笑之，問學文章衆所同識，此二事王氏孫
酸棗先生稱祖翁先生易老淨肇樂晚奏象繫明光中。
清淨之化淡百年，寡欲愛民自祖宗。

先生為太祖講易至九五之說上喜

甚既而言治國莫若愛民養身無如寡欲上嘉納之

潛仁畜德流必遠，譬如喬嶽

闕

君之積學萬石簾筆力，仍關千石鐘。遑遑欲談誰

聽此

一作汝

秋江好渡多柔風

舟中倦甚

櫓聲出入如謳發晝長夜短睡蛇絕紅窻跼蹐天地隘
出向船頭望寒月月寒不照孤征人自與紅鑪得意親
何日有田吾意得躬耕壠首待陽春

曉霽

沉疴春夜客風雨送愁來曉雲收風雨一瞬靜九垓東
望一大人盜賊何有哉上使四門闢豈但桃李開下使
小人退即日大輅回昭昭負帝德汲汲挾天才白頭見
太平酒醒豁所懷

說之有庭珪真墨一為儀真賊所焚伏蒙二十
二叔特以真墨見惠因喜出意表輒賦詩申

謝

黃瓜忌三摘吾臂醫九折有如老商胡何言問折閱兒
藏庭珪墨賊大出烈烈是時干戈起髑髏積不血寧復
有此物硯北伴白髮叔父曰乞汝可憂百如結矧此微
物者戲劇論巧拙拜吾叔父賜理亂聞一轍再拜叔父
賢世珍視不屑百拜叔父意見學安得輟

謝蘊文水仙花

飄零塵俗客再見水仙花清芬二十載饒殺蘭杜家
王性之自揚州迂路相訪於海陵荷其意厚非
平日比贈詩以別

九死性命存乃到海陵倉海陵何所有麋鹿晝成行多
倉多麋鹿今也恨難忘爰從本朝來人物上國光容
我迹其間性之因翱翔性之篤忠信又復能文章一世
所趣附在眼獨不忘困於州縣吏斂翼弗許張蹉跎誰

識之心膽空堂堂我不自揆者薦之三府傍相公意似
順衆口極雌黃我斥不得容為子增慨慷子行羣賊中
妻孥道路長掛帆揚州灣聞我病在床不尋枉渚來或
謂子不剛活我以簡策飽我非稻粱告别閩嶺去波浪
春風狂既欲殺風母又欲射天狼四海俱已震何處一
身藏揮淚與之子關雎哀不傷祿山傾社稷朱泚侮君
王於今無此孽但可正皇綱文章出號令忠信被農桑
之子抱此器用之斯民康吞酸宜勉強無煩憶粟漿

陳情

春風到未久今日始得行蛙聲曲池滿柳色深巷明負
病老客子徜徉難為情豈不懷故隱盜賊間徂征近得
望行在氛祲夜崢嶸諒特賢者出一偃天下兵四夷堡
障靜三農田野耕雞豚飽故老廉恥責後生我雖素飡
者自謂能頌聲此情誰與同有公仍有卿

次韻和馬子虛學士感事見贈

與君中山時心樂得樂土未始厭耳聞寧或刺眼覩風

雨喜分散樂事亡難補看君青雲編翅垂不得舉榮滯
正相半田園餘幾許前年白馬亂不保使君詛去此一作
從竟陵謫竟陵人何慕妻兒思北歸耕桑失寒暑邂逅
恠我存魂招來奚數強欲布露之愧君健能賦

流寓海陵半年忽得周元仲分寧書欣慰與常
日不同輒有作代書

海陵士子江東客我到海陵無主人滄波知君到何處
直待書來消息真與君相去歲月久世事茫茫誰出手

桑田欲變仙人去，鶴駕雲軒安得取。
愁腸出淚付滄波，江上秋風柰我何。
何處雲山君待我，更煩先寄綵雲歌。

秋感

鄰雞鳴已過，吾雞一何懶。
要穩土人眠，高視清秋晏。
惜哉清秋時，留客久異縣。
莫謂茲荒陬，于今誇畿甸。
黃屋在揚州，江山被恩眷。
肥犢翻吳羹，宮粧驚楚練。
雖云鐵馬陣，敢敵水龍艦。
有事郊三年，神降樂六變。
萬國走玉帛，兩京鎖宮殿。
明發迎歸路，茲夕淚如霰。
孤旅愁思絕。

一身幾憂患

秋適

今日秋光遠吾意亦以閑致此清羸身葭菼蒼蒹間一
別嵩陽縣二紀不得還九處逢新秋幽夢著舊山木落
淮南日水流向柴關

閑極

閑極忘羈旅秋色為我深牛卧樹外影鷄鳴堂中心自
言身已隱一作人道尚官箴明趨傍海郡適我梁甫吟

謝季左司筆墨

韓揚州蕭劍州相忘終日夢悠悠何如徵季掾三府國
譽鄉評坐以收不忘筆墨高人興為道明珠無暗投
且遽告行求題其父所作夢記之後

前身嵩陽老道士今日京東蔡秀才杜門藏書萬餘卷
不知何身得之哉

雪中懷水雲館

六出花頭萬疊波水雲館前不肯過玉鸞素面如相語

人間清興今如何

無客

嗟予少好客今老客棄予忽忽飄流來不知歲又除良

愧彼黃鵠千里無修塗江東賊強臣

王敦輩

淮南盜竊餘

楊行密輩

鍾阜被朔雪斲與我何娛明當雲夢去此去又何

如

將為枝江之行

北斗垂九尺東京路幾千大江復幾深臘尾難放船豈

無彫胡飯疾病相後先波濤日夜起闕桃相與眠春風
明日來為我添華顛沅湘盛春風蘭芷為人妍沅湘無
故人耕釣異雲烟沅湘有故人避地與我前彼美媚學
子共講中庸篇

呈華藏密印

華藏有主人百界轉纖埃主人順喚客低頭不敢來

景迂生集卷五